

vous est neantmoins permis de faire comme eux, & ufer de vos biens avec eux, mais tous ne peuuent viure comme les bestes, qui mangent le iour & la nuit pendant qu'elles ont de quoy, & par ainsi il faut laisser || passer la feste sans en'estre, encor qu'elle soit à vos despens. 107

Preuoyant ce mauuais mefnage i'auois ferré un peu de biscuit dans un petit sac que ie tenois caché sous mon manteau, pour me seruir dans la necessité, mais il fut bien-tost descouuert & mangé sur le champ, & par ainsi nous demeurâmes à deux de ieu, aussi bien pourueus l'un comme l'autre, d'un rien du tout, sinon du maïs qu'ils auoient cachez par les champs en descendant; & voila comme ils seroient bons freres Mineurs s'ils estoient bons Chrestiens, car ils ont bien peu de soin du lendemain, s'appuyans sur la diuine Prouidence, qui nourrit les oyseaux du Ciel.

Il y a une chose à remarquer en eux, que lors qu'ils ont peur, ou songent à quelque malice, ou bien qu'ils preuoyent quelque danger ou peril, c'est alors qu'ils chantent principalement, tellement que l'on peut prendre à mauuaise augure quand les Sauuages chantent seuls par les bois, ou à la campagne, sinon que ce soit pour un simple diuertissement d'esprit, comme ils font quelquefois.

Au premier giste que ce bon Pere fist avec ses Sauuages, il leur fallut entrer dans les fanges iusques à my-jambes, pour ce que leurs chalouppes ne peurent aborder la terre ferme, qui estoit bien auant dans les marefts, & puis le mauuais temps, le froid, & les pluyes en rendoient le lieu quasi inaccessible. Le bon